

Яхши ва ёмон сўзнинг мисоли



19:14 / 12.03.2018 4434

Аллоҳ яхши сўзга қандай мисол келтирганини кўрмайсанми? У худди бир яхши дарахтга ўхшайдир. Унинг асли событ турадир. Шохлари эса осмонда.

Роббининг изни ила ҳар доим меваларини бериб турадир. Аллоҳ, шояд, эсласалар деб, одамларга мисоллар келтирадир.

Яхши сўз, ҳақ сўз иймон сўзидир. У сўзни Аллоҳ таоло яхши, соғлом бир дарахтга ўхшатмоқда:

«Аллоҳ яхши сўзга қандай мисол келтирганини кўрмайсанми? У худди бир яхши дарахтга ўхшайдир. Унинг асли событ турадир. Шохлари эса осмонда».

Ҳа, бу дарахтнинг асли событдир. Унинг томирлари ерга чуқур илдиз отгани учун мустаҳкамдир. Турли шамоллар, бўронлар ва бошқа омиллар уни жойидан қимиirlата олмайди. Айни чоғда, бу дарахтнинг шохлари осмонда, юксакликдадир.

«Роббининг изни ила ҳар доим меваларини бериб турадир».

У доимо мева бериб туради. Иймон ҳам худди шу яхши дарахтга ўхшайди. Асли мустаҳкам. Ҳеч нарсадан таъсирланмайди. Мартабаси олий. Доимо самарасини ҳам бериб туради.

«Аллоҳ, шояд, эсласалар деб, одамларга мисоллар келтирадир».

Мазкур яхши сўзниңг акси бўлмиш

Ёмон сўзниңг мисоли худди ёмон дараҳтга ўхшайдир. У ердан узилиб қолган, унинг қарори йўқдир.

Ёмон сўз, ботил сўз куфр сўздир. У илдизи ердан узилган, қўпорилган, беқарор бир дараҳтга ўхшайди. Сурати, шакли дараҳтни эслатади. Аммо унинг на ерга чуқур илдиз отган томири, на осмонга кўтарилилган шохлари ва на меваси бор. Шунга ўхшаб, куфрнинг ҳам асли мустаҳкам эмас. Сал нарсага қулайди. Мақташга арзимайди. Берадиган самараси ҳам йўқ.

Шайх Муҳаммад Содик Муҳаммад Юсуф

(Тафсири Ҳилол китобидан)